





WATER

SHEEKO QOTO DHEER

SUGITAAN

DHANBAAL KHIYAALI



Mohamed mohamud Ahmed jafle



SUGITAAN



Mohamed mohamud Ahmed Jafle



Shambaal



Hordhac

”

M

Weligaa ma la kulantay qof aanad filayn inuu
noloshaada wax ka beddeli doono?

Qof aad si iska caadi ah ugu aragtay meel
maalin kasta aad marto, balse joogitaankiisu uu si
tartiib ah u noqday qayb ka mid ah maalintaada?
Maxaa dhacaya marka qalbigu la qabsado qof aan la
hubin inuu berri agtaada joogi doono?



Ma jacayl baa ka xoog badan waqtiga... mise waqtiga
ayaa ka xoog badan jacaylka?

Jawaabaha su'aalahan waxay ku qarsoon yihiin bogaga
sheekada Muniir iyo muna...

kulinkii Bostejada



Waxa jirtay tuulo yar oo ka baxsan magaalada iyo sawaxankeeda. Tuulo ay hareeyeen beero cagaaran, geedo dhaadheer iyo wabiyo nadiif ah oo si deggan u qulqulaya.

Dadkeedu waxay ahaayeen kuwo is yaqaan, noloshooduna ahayd mid sahlan oo xasilloon.

Tuuladaas waxa ku noolaa qoys dabaqadda dhexe ah oo lahaa wiil lagu magacaabo **Muniir**.

Muniir wuxuu ahaa arday jaamacadeed oo sanadkiisii saddexaad dhigta. Maalin kasta aroortii ayuu ka soo bixi jiray gurigooda isaga oo sita boorsadiisa, kuna sii jeeda busteeyada yar ee tuulada si uu uga raaco baska magaalada.

Subaxaha badankood way isku ekaayeen.

Isla waddada.

Isla baska.

Isla dadka.

Laakiin maalin ka mid ah maalmaha xagaaga, wax walba way is beddeleen.

Markii uu yimid busteeyada ayuu arkay gabar aanu hore ugu arag meesha



Waxay taagnayd geed weyn hoostiisa.

Waxay xidhnayd dhar fudud oo bilicsan, gacanteedana waxa ku jiray buug yar.

Marna buugga ayay eegaysay, marna wabiga agtiisa ka muuqday.



Muniir si aan ula kac ahayn ayuu dhowr jeer u eegay.

Wax gaar ah muu garanayn, balse gabadhaas waxa ka muuqatay degganaan soo jiifatay dareenkiisa.

Markii basku yimid, iyaduna way fuushay.

Maalintaas wax hadal ahi ma dhex marin.

Laakiin Muniir habeenkii markuu sariirta jiifay, wuxuu si lama filaan ah isu arkay isagoo xusuusanaya gabadhii geedka hoostiisa taagnayd.



Subaxdii xigtay, markuu yimid busteeyada, qalbigiisu wuxuu si qarsoodi ah u rajaynayay inuu mar kale arko gabadhii.

Wuuna arkay.

Waxay taagnayd isla meeshii.

Geedkii hoostiisa.

Buuggii gacanta ku haya.

Markan markay indhahoodu is qabteen, gabadhii waxay siisay dhoolla-caddayn yar.

Dhoolla-caddayntaasi waxay qalbiga Muniir gelisay dareen cusub.



Maalmo yar kadib ayuu geesinimo isu keenay.

Waxaan filayaa inaad ku cusub tahay tuulada.”

Gabadhii ayaa madaxa kor u qaaday.

“Haa, waan ku cusubahay

Magacaygu waa Muniir. Way dhoolla-caddaysay.

Anigana waxaa lay yiraahdaa Muna

Muniir wuxuu si aamusnaan ah ugu celceliyay
magacaas qalbigiisa.

Muna muna muna.

Waxay u sheegtay inay magaalada ka timid, isla
markaana ay u timid inay fasax la qaadata ayeeyadeed
oo tuulada deggenayd.

Hadalkii gaabnaa wuxuu isu beddelay sheeko yar.

Sheekadii yaraydna waxay noqotay wax ay maalin
kasta wada sugaan.

Subax walba. Ka hor inta aanu basku iman.

Wax yar ayay wada sheekaysan jireen.

Laakiin daqiiqadahaas yar yar waxay noqdeen qaybta
ugu quruxda badan maalinta Muniir.

Muna-na iyaduna waxay bilowday inay sugto

imaatinkiisa. Midkoodna ma qiran codka ka dhex

guraya Laakiin labadooduba waxay dareemayeen in

wax cusub uu si tartiib ah qalbiyadooda uga soo

baxayo.



Maalin roobad



Subaxdaas cirka waxa qariyey daruuro cawlan.
 Dabayshii caadiga ahayd ee tuulada ayaa xoogaysatay,
 geedihii yaryarna si tartiib ah ayay u ruxmayeen.
 Muniir markuu guriga ka soo baxay, hooyadii ayaa ku
 tiri: “Waxaan filayaa maanta roob baa da’aya
 Wuxuu eegay cirka. “Wax yar uun buu u egyahay.”
 Laakiin qalbigiisu ma mashquulsanayn roobka.
 Wuxuu ka fikirayay Muna.
 Markuu gaaray busteeyada, weli may iman.
 Saacaddu waxay ahayd toddobadii subaxnimo.
 Daqiiqado ayaa dhaafay
 Muniir wuxuu marba dhinac u eegayay waddada
 dheer ee tuulada soo marta.
 Markaas ayuu meel fog ka arkay qof soo socda.
 Waxay ahayd Muna.
 Laakiin ka hor intaanay soo gaarin, roob xooggan
 ayaa si kedis ah u billowday.
 Dadkii busteeyada joogay waxay bilaabeen inay
 geedka weyn hoostiisa ku kala cararaan.
 Muna iyaduna way soo orodday



Markay soo gaartay, timaheedii iyo dharkeedii hore ayay biyuhu u qooyeen.

Muniir isagoo qosol yar qarinaya ayuu yiri:

“Waxaan filayaa maanta roobku kaa dheereeyay.”

Muna ayaa iyaduna qososhay.

Aniguna waxaan filayaa inaan ku kalsoonaaday cirka.” Labadooduba way qosleen.

Waxay ahayd markii ugu horraysay ee ay si dhab ah ugu qoslaan wadajir. Roobkii wuu sii da’ayay.

Dadka intiisa badan waxay ka hadleen cimilada, balse Muniir iyo Muna waxay ka hadleen wax kasta oo aan cimilada ahayn.

Waxay ka sheekeeyeen carruurnimadoodii.

Riyooyinkooda Iyo meelaha ay rajaynayeen inay maalin uun gaaraan Markii baskii yimid, roobku weli ma joogsan Laakiin maalintaas qalbiga Muniir waxa ku dhacay wax aanu hore u dareemin.

Markii Muna hadlaysay, ma uu dhegaysanayn erayadeeda oo keliya Wuxuu dhegaysanayay

codkeeda Markay qososhay, ma uu arkayn

ilkaheeda oo keliya Wuxuu arkayay farxadda

wejigeeda ka muuqata Waxa uu bilaabay inuu

fahmo in gabadhan aysan u ahayn qof uu maalin

kasta busteeyada ku arko



Muna habeenkaas waxay fadhiday barxadda guriga ayeeyadeed.

Roobkii galabtii da'ay wuxuu ka tagay urtii quruxda badnayd ee ciidda qoyan. Waxay gacanta ku haysay koob shaah ah markii taleefankeedu dhacay.

Waxay aragtay magaca aabbaheed. Isla markiiba way qabatay. Muddo kooban ayay dhegaysanaysay, hadal badanna may odhan.

Mararka qaarna waxay ku jawaabaysay: Haa aabe.”
Waan fahmay.” Haye.”

Markii ay taleefanka dhigtay, wajigeedii degganaa wax yar ayuu is beddelay. Ayeeyadeed ayaa dareentay.

Maxaa dhacay gabarteyda? Muna xoogaa ayay aamustay. Kadibna waxay si tartiib ah u tiri:

Toddobaadka dambe waa inaan magaalada ku noqdaa.” Ayeeyadeed way yaabtay.

Laakiin waxaad sheegtay inaad weli hal bil sii joogayso. Muna ayaa madaxa hoos u dhigtay.

Qorshihii waa is beddelay.”



ToToba kulann

Subaxdii xigtay.

Muniir sidii caadiga ahayd ayuu busteeyada yimid.

Laakiin markuu arkay Muna, wuxuu dareemay in wax ka duwan yihiin.

Dhoolla-caddayntii caadiga ahayd may lahayn.

Farxaddii wejigeedana way yaraatay.

Markii ay xoogaa sheekaysteen ayuu ugu dambayn weydiiyay:

Muna, ma waxbaa dhacay?”

Muna ayaa dhowr ilbiriqsi aamustay.

Kadib waxay eegtay waddada hortooda fidsan.

“Toddobaadka dambe waan baxayaa.”

Muniir hadal afkisa Kama so bixin

Way wada hadleen. Way wada qosleen.

Laakiin maanta hadalladoodu waxay lahaayeen

murugo qarsoon. Sababtoo ah hadda labadooduba

waxay garanayeen in maalmaha ay wada joogayaan la

tirin karo... Toddoba maalmood oo keliya ayaa

hadhay. Toddoba subax. Toddoba kulan.

Toddoba fursadood oo keliya.

Mana jirin midkood ogaa in toddobaadkaas yar uu

beddeli doono noloshooda oo dhan...



Markii Muna sheegtay inay toddobaadka dambe baxayso, maalmaha ayaa si ka duwan sidii hore u socday.

Hore, Muniir iyo Muna ma tirin jirin subaxyada. Hadda se subax kasta waxay ahayd maalin ka sii dhaweynaysa kala tag.


Muniir mar kasta oo uu hurdada ka kaco, waxa ugu horreeya ee maskaxdiisa ku soo dhacayay waxay ahayd:

Lix maalmood baa hadhay...”

Kadib:

“Shan maalmood...”

muniir wuxu muna ku yiri laga yaba maalamahani inoo soo haray iney yihin maalmihi inogu danbeye waxase jeclestay inaan kaga dhigo maalmihi kugu farxada badna Ina keen aan kuso tuso sir ku cajib galin donta



wuxu keenay meel asaga u gaar ehed meel uu kaga soo
dhuuman jiray qof walbo iyo wax walbaba meel u
eheed sir



Maktab yar oo ku kor taala geed ayu keenay muna aad
bey ugu farxaday madama ay ehed gabar wax aqriska
jecel asaguna uu aha wiil qorista jecel
Maalmihii oo dhan waxay noqdeen kuwo qaali ah.
Waxay bilaabeen inay waqti badan wada qaataan.
Mararka qaar baska ka dib ayay socod ku mari jireen
waddada wabiga dhinaceeda marta



The truth



Maalin galab ah ayay fadhiyeen wabiga hareertiisa.

Qorraxdu waxay bilaabaysay inay dhacdo.

Hawaduna waxay ahayd mid deggan.

Muna ayaa biyaha eegaysay.

Kadibna waxay si lama filaan ah u weydiisay:

Muniir?”

Haa?”

Ma aaminsan tahay in dadka qaarkood ay si lama filaan ah nolosheena ugu yimaadaan laakiin ay raad weyn nooga tagaan?”



Muniir ayaa xoogaa aamusay.

Wuxuu garanayay waxa ay ula jeeddo.

Laakiin ma uusan rabin inuu qirto.

Haa. Waan aaminsanahay.” Muna ayaa madaxa ruxday. Aniguna sidaas ayaan u malaynayaa.”

Hadalkaas ka dib labadooduba way aamuseen.

Laakiin aamushooda waxaa ku jiray erayo badan oo aan la sheegin.

Maalintii ugu dambaysay ee ka horraysay bixitaankeeda, habeenkii oo dhan hurdo ma seexan.

Dhowr jeer ayuu sariirta ka kacay.

Dhowr jeerna daaqadda ayuu ka eegay cirka.

Ugu dambayn wuxuu go'aansaday hal arrin.

Subaxa dambe.

Ka hor inta aysan bixin.

Wuxuu u sheegi doonaa runta qalbigiisa.

Wax kasta oo dhaca ha dhaceen.

Laakiin ma ogayn in Muna iyaduna habeenkaas hurdo la'aan ahayd...

Iyaduna waxay lahayd wax ay rabtay inay u sheegto Muniir.

Wax aanay waligeed qof kale u sheegin.



The truth

Subaxdii ugu dambaysay ayaa timid.

Waxay ahayd subax ka duwan subaxyadii kale.

Cirku wuu degganaa.

Dabayshu si tartiib ah ayay caleemaha geedka weyn u ruxaysay. Laakiin qalbiyada Muniir iyo Muna midkoodna ma degganayn.

Wuxuu marar badan ku celceliyay hadallada uu doonayay inuu yiraahdo.

Haddana markuu busteeyada yimid, wuxuu dareemay in erayadii oo dhan ay ka baxsadeen.

Muna waxay timid wax yar kadib. Markii ay is arkeen, labadooduba way dhoolla caddeeyeen.

Muddo yar ayay aamuseen. Kadib Muna ayaa si tartiib ah u tiri Waxaan filayaa inaan maanta ku sagootinayo

Markii ugu horraysay ayuu madaxa kor u qaaday oo si toos ah indhaheeda u eegay.

mun—Haa ayey tiri—- waxan rabaa inaan wax ku shego





Dhanka kale.. Muna qalbigaade si degdeg ah ayuu u garaacmaye waxey tiri : Haa Haa iisheg Muniir ayaa neef dheer qaatay. Kadibna wuxuu yiri: Markii ugu horraysay ee aan ku arkay geedkan hoostiisa, maan filayn inaad sidaan muhiim iigu noqon doonto.” Muna indhaheedu kama dhaqaaqin wejigiisa. Maalin kasta waan ku sugayay.” Markaad imaan waydo, maalintaydu ma dhamaystirnayn.”

Markii aad ii sheegtay inaad baxayso, ayaan fahmay waxa aan dareemayo.”

Wuxuu yara aamusay.

Kadibna ugu dambayn ayuu yiri:

— “Waan ku jeclahay Muna Wn ku jeclahy



Dabayshii ayaa mar kale geedka ruxday.
Qalbigii Muniirna wuxuu sugayay jawaabta.
Ilbiriqsiyo yar ayaa dhaafay.
Laakiin isaga waxay ula muuqdeen saacado.
Markaas ayuu arkay Muna oo dhoolla-caddaynaysa.
Dhoolla-caddayn aan hore uga qurux badnayn.
Indhaheedana ilmadu way ka soo buuxsamaysay.
Waxaan moodayay inaan aniga keliya dareemayo.”
Muniir wuu aamusay.
Aniguna waan ku jeclahay, Muniir waan ku jeclanyy



Muna aya tiri muniir tani ma dhamadka mise Wa
bilow ga? Muniir aya yiri waa bilowga sheko jacel iyo
SUGITAAN

is macsalames iyo ilimo farxaded kadib muna wey
baxday muniirna wuxu taagana isla geedka sida iney so
laban donto...

...balse waxa jirtay sir ay muna qarineyso sir ay ka
qarisay Muniir iyo ayeeyaba sir aynu ku ogaan doono
bogaga xiga



SUGITAAN

2 SANO KADIB

Maalmihii waxay isu beddeleen toddobaadyo.

Toddobaadyadiina waxay isu beddeleen bilo.

Ugu dambayn, sanado ayaa ka soo wareegay maalintii
Muna ka tagtay tuulada.

Laakiin inkastoo masaafadu kala fogaysay, xiriirkoodu
ma go'in.

waxay isugu qori jireen fariimo dhaadheer habeen
kasta. Waxay isku sheegi jireen sida maalintoodu u
dhacday. Waxay ka sheekayn jireen waxbarashada,
qoysaska, iyo riyoooyinka ay wada lahaayeen.

Mararka qaar waxay saacado badan ku qaadan jireen
taleefanka iyagoo aan xitaa dareemin waqtiga socda.
Masaafadu way adkayd.

Laakiin jacaylkoodu wuxuu ahaa mid ka adkaa.

Sanadkaas gudihiisa wax badan ayaa is beddelay.

Muniir wuxuu galay sanadkiisii ugu dambeeyay ee
jaamacadda.

Wuxuu noqday nin ka bislaaday sidii hore.

Dadaalkiisuna wuu sii kordhay.

Muna iyaduna waxbarashadeeda ayay sii wadatay.

Waxay ahayd gabadhii farxadda iyo degganaanta
lahayd ee uu markii ugu horraysay ku arkay geedka

Maalin ka mid ah maalmahaas Muniir wuxuu joogay jaamacadda, isagoo hadda dhammeystay imtixaankiisii ugu dambeeyay. Farxad aan la qiyaasi karin ayaa qalbigiisa buuxisay. Dadaalkii sannadaha badan socday maanta ayuu miro dhalay.

Isagoo ka soo baxay hoolkii imtixaanka ayuu markiiba taleefanka la baxay.

Qofka ugu horreeya ee uu rabay inuu la hadlo waxay ahayd Muna.

Dhawr jeer ayuu wacay.

Markii ay qabatay ayuu cod farxad leh ku yiri:

Muna! Waan dhammeeyay! Imtixaankii ugu dambeeyay ayaan hadda ka soo baxay!

Muna way aamustay.

Muniir hadalkiisii ayuu sii watay.

Wax walba sidii aan qorsheynaynay ayay u socdaan.

Shaqo fiican ayaan helay. Waxay iga rabaan oo keliya shahaadada jaamacadda. Muna, nolosheenna hadda ayay bilaabanaysaa...

Muna dhowr jeer ayay isku dayday inay hadasho.

Muniir idhageyso Muniir... anigu...

Laakiin Muniir farxaddiisa ayaa ka badnayd.

Waxaan kugu imaan doonaa sida ugu dhaqsaha badan.

Waxaan rabaa inaan...

Muniir...

Waxaan sugayay maalintan muddo dheer...

Markii saddexaad ayay isku dayday inay hadasho.

— Muniir, fadlan i dhagayso...

Laakiin weli ma uusan maqlin.

Ugu dambayn cod gariiraya ayay ku qaylisay:

MUNIIIR!!!

Muniir wuu naxay.

Isla markiiba wuu aamusay.

Iga raalli noqo gacaliso. Farxadda ayaan hadalka kugu batay.

Dhanka kale ee taleefanka waxa laga maqlayay neef culus iyo oohin la qarinayo.

Kadib Muna ayaa tiri:

Waxaa jira wax aan sannado badan kaa qarinayay.

Qalbiga Muniir si degdeg ah ayuu u garaacay.

Maxay tahay?

Muna way ilmeysay.

Maalintii aabbahay ii soo wacay anigoo jooga tuulada...
wuxuu ii sheegay inuu ii doortay nin aan guursado.
Muniir hadal ma helin.

Muna ayaa sii waday:

Wuxuu qabay xanuun wadne. Wuxuu iga codsaday
inaanan diidin. Wuxuu ka baqayay in murugo ama
xanaaq uu xaaladdiisa uga sii daro.

Ilmadii Muna way sii xoogaysatay.

Waan isku dayay inaan kuu sheego. Marar badan ayaan
isku dayay. Laakiin waan awoodi waayay.

Muniir wali wuu aamusan yahay.

muna ;aya tiri Muniir...

— Waxaan ahay xaas.

Aamusnaan.

Waxaan leeyahay laba carruur ah.

Aamusnaan ka sii dheer.....

Intaas oo dhan waan kaa qarinayay. Ma aanan rabin
inaan qalbigaaga jebiyo.

Muna oohinteedii way sii badatay.

— Iga raalli noqo, Muniir...iga rali noqo

Daqiiqado ayaa dhaafay.

Laakiin wax jawaab ah ma jirin.

Ugu dambayn Muniir cod daciif ah ayuu ku yiri:

— Away ballantii...

Ilmo ayaa indhihiisa ka soo daadatay.

— Away sugitaankii subax walba...

Kuwaas ayaa noqday erayadiisii ugu dambeeyay.

Kadib...

Aamusnaan. Hadane aamusnaan

Muniir?

...

Muniir, ila hadal!

...

MUNIIR!

Dhanka kale wax jawaab ah lagama maqal.

Ardaydii agtaagnaa ayaa arkay isagoo dhulka ku dhacay.

Qof walba wuu u cararay. Si degdeg ah ayaa isbitaalka loo geeyay.

Laakiin saacado yar kadib, dhakhaatiirtu waxay u sheegeen qoyskiisa:

Waan ka xunnahay. Waan dadaalnay.....Hooyadii Muniir ayaa ku dul ooyday meydka wiilkeeda.

Riyadii uu sannado ku noolaa waxay ku dhammaatay hal daqiiqo gudaheed.

Maalintii aaska.

Tuuladii oo dhan murugo ayay ku jirtay.

Dadka ayaa safaf dhaadheer ugu yimid inay
sagootiyaan Muniir.

Markii janaasada la diyaarinayay, gaari ayaa istaagay
meel aan ka fogayn.

Waxaa ka soo degtay haweeney wejigeeda murugo ka
buuxdo.

Waxay gacanta ku haysay laba carruur ah.

Waxay ahayd Muna.

Markii ay aragtay qabriga cusub, lugaha ayaa qaadi
waayay.

Ilmo aan kala joogsi lahayn ayaa ka qubanaysay
indhahaheeda.

Waxay istaagtay agta qabriga iyadoo gariiraysa.

Carruurtii yaryaraa waxba ma fahmin.

Waxay ogayd in ninkii sannadaha oo dhan qalbigaheeda
ku noolaa uu maanta ku nastay ciidda hoosteeda.

Dabayshii tuulada ayaa si tartiib ah u ruxaysay
caleemihii geedkii busteeyada.

Geedkii ay sheekadoodu ka bilaabatay.

Halkaas oo maanta ay ku hadhayeen xusuus iyo
qoomammo aan dib loo sixi karin.

Maalintii xigtay.

Waaberigii hore. Sahra mar kale ayay u baxday kayntii.

Waxay isku qancisay inay halkaas u tagayso si ay u sii
baarto astaanta Dayaxa Madow. Laakiin qalbigedu
runta wuu ogaa. Waxay rajaynaysay inuu halkaas joogo.

Waxay socotay muddo dheer.

Waxay gaadhay dhagixii qadiimiga ahaa.

Waxay eegtay hareeraha. Cidna ma joogin.

Qalbigeda waxaa galay niyad-jab yar.

Mararka qaar jacaylku ma dhammaado marku qalbiga is bedelo ee Wuxuu dhammaadaa marku waqtigu ka dheereeyo labada qof ee is sugayay.

>

. Waxan filaya inaad heshay su'aashi aad kuso aragtay HORDHACA BUUGAN


Mohamed Mohamud Ahmed Jafle

Dhamaad.



Dhambaal





they just
become a part of
our story...

Farriinta qoraaga:

Mararka qaar noloshu ma jebiso
ballamaha dadka, balse waxay ku
qasabtaa inay ka tanaasulaan.
Muna waxay lumisay jacaylkii
qalbigeeda, Muniirna wuxuu lumiyay
mustaqbalkii uu sannado ku noolaa.
Geedkii busteeyada weli wuu taagan
yahay, wabigii weli wuu qulqulayaa,
baskiina weli subax kasta wuu yimaadaa.
Laakiin labadii qalbi ee mar ku kulmay
halkaas, mar dambe isma sugi doonaan.

Mohamed mohamud Ahmed Jafle

